



Йöлгинь ЦЫПАНОВ

## И вичкосаыд грека йöз...

Владимир Безносовыхлöн «Двадцатка» сисьтысыяс»  
висьт йылысь öткымын мöвп

Коми войтыр пöвстысь петöма зэв уна гижысь. Найöс да налысь енбиа олöм-вылöмсö туялöны литературоведъяс. Сöмын тай туялысьяслöн кийс мыйлакö оз быд гижысь дорö сибав. Татшöмъяс лыдас меöн ёна вылö пуктана сиктса куим прозаик: Удораысь Евгений Афанасьев да Юрий Васютов, Сыктыв вожысь Владимир Безносовых. Куимнанныс шонъянйöсь нин, эновтисны таладор югыдсö ас йывсьыныс бур да тöдчана гижöдъяс аддзывтöг. Но налöн висьт-повесьтьясыс колины миянкöд, небöг джаджъясаным олöны, авторъяс йывсьыныс ловъяяслы казтылöны. Владимир Безносовыхлöн проза йывсьыс неыджыд рецензияяс да статтяс гижлöмаöсь коми литература туялысьяс В.А.Латышева, А.К.Микушев да Т.Л.Кузнецова. Кутшöмкö гырысьджык йöрыша удж, шуам, торъя небöг, Владимир Иванович йылысь абу на. Со и окота лои мем казтыштны В.И.Безносовыхс да торйöн пасйыштны сылöн öти зэв аслыспöлöс висьт йылысь.

Олан туйыс гижысьыслöн век вöли йитчöма Ыб сикткöд, тані сійö чужлöма 1927 вося öшым (декабр) тöлысь 26 лунö, кувсьыліс 2008 вося урасьöм (февраль) тöлысь 18 лунö. Сизим класс помалöм бöрын уджавлöма колкозын, а сэсся вит во чöж служитöма суйöр доръян войскаын — Карелияын да Мурманск обласьтын. Со сылöн и став «университетыс» вöлöма. 1959 восянь мырсьöма уна удж вылын: веськöдлöма клубöн, журналисталöма республикас радиоын, кывкутöма Сыктыв да Лузберд районъяс вöсна, сэсся бара чужан сиктас кыпöдöма культурасö небöгкудйын (библиотекаын) да клубын, велöдлöма челядьöс школаын, унаысь бöрйылöмаöсь писькöс морттö сиктсöветса депутатö. Медводдза висьтсö йöзöдлöма «Войвыв кодзув» журналын Сталин кулан 1953 воö, 26 арöса том мортöн. Тайö жö кадас босьтчылöма гижны и Геннадий Юшков...

Сэкся коми йӧзлӧн оланногыс да мам кывйыс и ышӧдӧмаӧсь Владимир Безносовых босьтчыны-пырӧдчыны прозаӧ да гижыны театрын ворсӧмторъяс. Сыктывшӧрса чужан сӧрнисикасыслыс став озырлунсӧ сійӧ пыртӧма, Иван Куратов, Иван Сажин да Нина Куратова моз, аслас гижӧдъясӧ. Сюсь синмӧн олӧмсӧ донъялыс, нюмсера да бур сӧлӧма мортӧс Сыктывкарӧ овмӧдчыны некор абу кыскывлӧма, аслас гижӧдъяслы геройяссӧ адзылӧма чужан сиктсыс да гижлӧма-йӧзӧдлӧма сэкся мукӧд гырыс прозаикъясыс абу этшаджык. Керкаыс сылӧн век вӧлӧм восьса коми журналистъяслы, гижысыяслы, кыв да литература туялысыяслы, унаыс Ыбӧ волӧмаӧсь профессор А.К.Микушев да филология наукаса кандидат Г.В.Беляев. Сэтчӧ пыравлӧмаӧсь тшӧтш суйӧрсайса гӧсьтъяс — Петер Домокош, Джон Коутс, Карой Редей, чӧсмасьӧмаӧсь месайӧн кыйӧм-пражитӧм чериӧн, кылӧдлӧмаӧсь ставсӧ югӧд биавӧн. Владимир Безносовылӧн керкаыс тыртӧммӧма 2008 воӧ, февраль 18 лунӧ, гӧтырыслӧн кувсӧм бӧрас абу нин дыр и олӧма Ыб сиктса гижыс. Коми йӧзыс тай шулӧны, мортсӧ пӧ шогыс сӧйӧма... Сидзи и эм.

Литература туялысыяс тшӧкыда гижлӧны: Владимир Безносовыс пӧ кужмӧн серпасалӧ сиктса олӧм, уна пӧлӧс йӧзӧс аслысног петкӧдлӧ, бура тӧчӧ серамбана сюрӧсыяс, та вӧсна пӧ и лыддысысыс радейтӧ сылыс повесыт-висытъяссӧ. Вайӧдам ӧти кывкӧртӧд: *«Писатель не акцентирует внимание на внутренней жизни героев, его проза не психологична — она событийна»* (Кузнецова Т.Л. В.И.Безносов // Писатели Коми. Библиографический словарь. Т. 1. Сыктывкар, 1996.— с.38).



Библиографический словарь. Т. 1. Сыктывкар, 1996.— с.38). Мыйкӧ сӧмын мем тайӧ шуӧмас абу окота эскыны, сиктса йӧзлыс пытшкӧсса ловсӧ, налыс психологияс гижысыыс тшӧтш ӧд бура петкӧдлӧма. Серпасала тайӧс сӧмын ӧти висыт подувылын, нимыс сылӧн «Двадцатка» сисытысыяс». Нӧшта ӧти веськӧдӧм: туялысыяс серти, серамбана ногсӧ пӧ ас гижӧдъясас Безносов артмӧдӧ тешкодъ сюрӧс-сюжетъяс да ситуацияяс отсӧгӧн. Ме серти, оз сӧмын на отсӧгӧн. Владимир Ивановичлӧн кывйыс ачыс нин нюмтӧ петкӧдлӧ, гижанногыс сылӧн зӧв образнӧй, лыддяна да быттьӧ ставыс син водзад сувтӧ-кыптӧ. Тайӧс поэяс адзыны водзӧ вайӧдӧм серпасъясыс.

Сатира сюрӧса-кывъя тайӧ гижӧдсӧ медводдзаыс вӧлі йӧзӧдӧма 1992 вося «Войвыв кодзув» журналын, коймӧд номерас, но петкӧдлӧма сӧні Сӧвет кад, енлы паныд тышкасян пӧра. Тӧдӧмыс, висытыс дыр куйлӧма гижысылӧн пызан йӧрас да йӧзӧднысӧ лӧма поэяна сӧмын ӧнія кадӧ. Петавліс висытыс тшӧтш и В.И.Безносовылӧн 1995 воын лӧдзлӧм «Чужан сиктын олам-вылам» небӧгын, 86–95 л.б. Дерт, лыддысысыслы

окота тӱдны, мый йылысь тайӧ гижӱдыс. В.Безноси́ков вӧчӱма сійӧс медводдза морт, «ме» нимсянь, кыдзи и водзынджык йӧзӱдлӱм нин «Культурной морт» да «Конкурс выльӱ гижӱд» висътъясин. Тешкодя пансьӱ гижӱдыс: *«Дивитӱй кӱть энӱй, а талун бара на гажакодь»*. Водзӱ сӧсся шӱрмортыс нуӱдӱ висътсӱ сы йылысь, кыдзи веськалӱма казначеявны татчӱс вичкоӱ, кыдзи сійӧс коралӱма сиктсӱветса юралысьсыс, Илля Спиридонович, медым пырны вичко общинаас да тулысӱдзыс кысьтыны енлы эскысьяслысь котырсӱ; ӱд оз кӱ ло общинаыс, оз ло сиктас и вичкоыс. Предыс шуӱ: *«И вот, Сопрон Петровичӱй, кутшӱм боевӱй заданнӱ тӧныд кӱсъя сетны. Веськыда кӱ шуны — партийной порученнӱ!»* Тыдалӱ, чайтлӱма: юысь мортыд казначеялӱгӱн эскысь котырсӱ пытшкӱссянныс ӱдйӱ сӱсътас. Вичкоӱ кокнас некор пыравтӱм Сопрон босътчӱ уджӱ да казялӱ, мый енлы эскысьяслӱн олӱм-артыс немторйӱн мирскӱйсӱыс ӧнасӱ оз торъяв, кӱть ортсысянныс быттӱӱкӱ и вежа-сӱстӱм. Служба мунӱ бура, сьылӱны-лыддӱӱны лӱсьыда, а вичкоын служитысьясыс сӱтшӱм жӱ грека йӱз: поп-дякыд *«и радейтчыны мастерсӱ, и гажӱдчыны сюсьсӱ»*. Со кыдзи серпасалӱма ӱти шонъянӱйӱс кодралӱмсӱ: *«Первойсӱ кадилӱӱн ӱвтчигтырйи сьылӱм-керим — кувсьӱм дядьӱлысь ловсӱ югыдӱнӱ да шоныдӱнӱ мӱдӱдӱм, сӧсся кузь пызан сайӱ сяркнитӱм-пуксялӱм, паськыд черинянь чеплялӱм. Батюшкоыд медся зӱля чеплясис. Пач пӱдан кодъ ӱди чери вӱлӱма да, ӧна и сувйис да вина сорӱн кылӱдис. И гажмис, дерт. Сӧсся, зонмӱ, пызан вывсьыс пыдди пызан увсьыс чеплясьны пондис. Вичко старӱстальсыс, Прокоп Сандралысь, кыз лядвейсӱ чепӱльтӱма. Сандрайд полӱбпи моз чилӱстис да попыдлы кӱсаас шашаритчис. «Да кыдзи нӱ лысьтӱн батюшколысь юрсисӱ дзугны?!» — шыбитчи Сандра вылад да мышланьыс песовтӱ ӱсъя гыжъяса киясӱ. «Благодару покорно! — шуис батюшкоыд, пуф-пуф керис сьлӱс вомнас да вомгорулас назгыны-сьывны босътчис: по долинам да пӱ по згоръям шла девизия перӱд!..»* Сопроныс та бӱрын попсӱ мӱдысь на мездӱ: код юрӱн усъӱм батюшкосӱ канаваысь перйӱ да гортӱдзыс вайӱдӱ: *«Ме, дерт, жуйявны эг понды: югыд крестас кутчыси, чептӱдыс катти, да попӱдзыд вои. Ружтӱгтырйи чеччӱдӱ чуралӱм дядьӱтӱ да тунки-пенки гортӱдзыс кыски-нуӱдӱ. Матушкаыс увгыны лӱптысис: «Кӱнӱ нӱ эта дырасӱ кулясыс кыскалӱны?! Да этатшӱмӱдз вед он жӱ тӱкарит!»* «Шыть, мися, матушка, чӱлӱника ов, а то епархияӱдз кывсяс!»

Мӱд востӱтморт Сопроныслӱн лӱӱма татшӱм: вичкоын тшӱтш жӱ сӱм пычкӱмӱн тыртӱны план, полӱны вылын сулалысь натшальствоысь, кодъяс зӱльлӱмаӱс вайӱдны сиктас выль ас попсӱ да пуктыны сылы удждонсӱ тӱлысьнас 250 шайт. И бара на Сопроныс дорйӱма ас сиктса вичкосӱ. Зӱв кужӱмӱн Владимир Безноси́ков серпасалӱ сиктас аркирейлысь волӱмсӱ, сы кежлӱ ӧна дасьтысьӱмсӱ, 32 морта свита вочаалӱмсӱ. Со кыдзи петкӱдлӱ тайӱс: *«Индӱдсӱ сетӱсны да, пышкайяс моз жбыркъялам, паперт вылас небыд пуклӱс вайим... Стӱрӱжкасянь вичко шӱрӱдз джодждӱра нюжӱдӱм, Кырлӱсын карса вичкоысь певчӱйяс лывкӱӱдлӱны, миянлысь кортсасъӱм гӱлӱса бабаястӱ матӱ эз сибӱдны. А карса попыд лӱсьыда сьылӱ: сӱмын опӱстӱ да опӱстӱ. Миян батюшконым вӱлтар бокрын **шырпи моз йӱжгыльвидзӱ**»*. Дерт, сӧсся аркирейсӱ да сылысь котырсӱ вердӱны-

юктөдөны, чесьтө уськөдчөны: «Службаыд помасис да, пажнай-тим. Шуда вөвсьёма: аркирейкөд орччөн пукалі. Дона винаяс дзибрөдлім-юим, сыла-госа шыд панялім, кокетъяс мутшим-сёйим. Рушку — брун, как чугуун! Сьёлөм выланым долыд!» Висьтсьыс ясыда тыдалө: вичкоса да мирскөй оломыс дзик өткодъ: ставыс веськөдлысьяс сайын, сэки и өнi өтияс юралөны-яралөны, мөдъяс кесъялөны, насянь буртор виччысьөны, на водзын «**шырни моз йёжгильвидзёны**». Сар дырйи көть Совет кадө, көть өнiя демократия воясө, серпасыс дзик өткодъ — и Комиын, и став Россия пасьтала. Тадзи гижысьыс сералө и коммунист идеология, енлы эскөм весьшөрө бырөдны зильөмсьыс, и вичкоын уджалысьясөс, налысь грека оломсө.

Гижысь бура петкөдлөма, кызди вичкоын казначеялігад Сопрон вежсьө, лоө сиктас ёна пыдди пуктана айловөн, вежаммө, велалө кужөмөн вузасыны сисьясөн да енпөвъясөн, лөсьөдчө старөстаө пуксыны. Гөгөрвоөма өд мортые — сиктас некор вичкоыс оз тупкысь, эскысь йөзыс оз бырны: өтияс мунөны таладор югыдсьыс, на пыдди воөны выльяс, том йөз. Сидзкө, уджыс танi век сьөмтор да бур ним ваяс. Висьт сюрөсыс кытш сяма: пансьө и помасьө сиктсөветөн веськөдлыськөд сёрниөн. Гажа юра Илля Спиридоновичыс тшөктө помас Сопронөс чөвтчыны вичкоын казначеялөмысь, ыстысьө исполкомлөн индөд вылө. Сөмын тадзи оз артмы, Сопроныд өд ёна вежсьөма, асьсө вылө нин пуктө, чорыда вомалө предөс: «Ак, тэ-э!.. Быттьө, зонмө, салдат водзын майор прикажитө!» *Ме и самөвар моз пузи да кык чунь косттi пөвійс чургөдi: «Тайөс, мися, аддзан?.. Кос тшак ва — тiян решенньөйд!.. Велалi да, вичкоад куөтөдз нин казначеяла!»* Помасьө висьтыс Сопронлөн көсйысьөмөн: «А ме, зонмө, служита на, служита!»

Дерт, гижөдыс вель кузь да ме унатор на ас пасйөдъясө эг пырт, дай нинөмла: Владимир Безносииковлысь висьтсө колө шаня лыддыны — тэрмасьтөг, озыр-мича кывнас нимкодьясьөмөн, быттьө ма чунялігмоз. Торйөн нин аслыспөлөсөсь сылөн кадакывъясыс, өткодьялөмъясыс, рочысь шуөмъяс пыртөмъясыс, на отсөгөн гижысьыс зэв стөча серпасалө сиктса йөзсө да олом-вылөмсө. Шуам көть, со кызди петкөдлөма Сопронлысь гөтырыскөд сёрни бөрын казначеявны көсйөмсө, өд пензия дорас воас пö содтөд 35 шайт: «Бабакөд ньылыда сёрни бөрад томми быттьө. Ыткөбтi керкаысь, сюр-сяр лэччи кильчө поскөд да чикыш моз лэбовтi-кайи сиктсөветад. Вавысь кыскөм сын моз гадикта, но, лолөй шедiс да, нюмъялігтырйи гогнитi юрөн: «Сосъяс пуджөмөн вичкоад понда мырсьыны! Верой и правдой!» Збыльысьсө, Владимир Безносииковлөн кыв йылысь колө дасьтыны торъя стаття, сэтшөм сылөн гижанногыс аслыспөлөс да вежөрад мөрччана.

Бөркыв пыдди содта нөшта өти мөвп. Тайө шмонь висьтсө вермис гижны сөмын Владимир Безносииков, өд буретш Ыбас и вөлі 70—80-өд воясө уджалысь вичкоыс, мукөд коми сиктас найөс тупкылісны (Айкатылаысь кындзи). Та вөсна висьтас став гижөмаыс — збыльтор.

